

周

禮

二

周禮卷第三

地官司徒第二

鄭氏註

惟王建國。辨方正位。體國經野。設官分職。以爲民極。乃立地官司徒。使帥其屬而掌邦教。以佐王安擾邦國。

教所以親百姓。訓五品。有虞氏五。而周十有二焉。擾

亦安也。言饒衍之。

教官之屬。大司徒。卿一人。小司徒。

中大夫二人。鄉師。下大夫四人。上士八人。中士十有六人。旅下士三十有二人。府六人。史

十有二人胥十有二人徒百有二十人

也師長司

徒掌六鄉鄉師分而治之。二人者共三鄉之事。相左右也。

○鄉音香。下以意求之。長丁丈

反後皆同。左音佐。右音又。

鄉老二鄉則公一人鄉大夫每鄉卿一人州

長每州中大夫一人黨正每黨下大夫一人

族師每族上士一人閭胥每閭中士一人比

長五家下士一人

老尊稱也。王置六鄉則公有三人也。三公者內與王

論道中參六官之事。外與六鄉之教。其要爲民。是以屬之鄉焉。州黨族閭比鄉之屬別正。

師胥皆長也。正之言政也。師之言帥也。胥有才知之稱。載師職曰以官田。牛田。賞田。牧田。任遠郊之地。司勲職曰掌六鄉之賞地。六鄉地在遠郊之內。則居四同。鄭司農云。百里內為六鄉。外為六遂。比毗志反。又扶二反。下同。稱尺證反。下同。為民于偽反。帥所類反。

封人。中士四人。下士八人。府二人。史四人。胥

六人。徒六十人。

聚土曰封。謂墳。壠。埒。及小封疆也。壠音眉。埒音劣。

鼓人。中士六人。府二人。史二人。徒二十人。

舞師。下士二人。胥四人。舞徒四十人。

舞徒給繇役能

舞者以為之

○繇音遙

牧人下士六人府一人史二人徒六十人牧人

養牲於野田者。詩云。爾牧來思。何蓂何笠。或負其馱。三十維物。爾牲則具。何胡可反。

牛人中士二人下士四人府二人史四人胥

二十人徒二百人主牧公家之牛者。詩云。誰謂爾無牛。九十其犝。犝者

九十。其餘多矣。而純反。又而專反。

充人下士二人史二人胥四人徒四十人充猶

肥也。養繫牲而肥之。

載師上士二人中士四人府二人史四人胥

六人徒六十人

載之言事也。事民而稅之。禹貢曰。冀州既載。載師者。閭師。

縣師遺人均。官之長。

閭師中士二人史二人徒二十人

主徵六鄉賦貢之稅。

者。鄉官有州黨族閭比。正言閭者。徵民之稅。宜督其親民者。凡其賦貢入大府。穀入倉人。

縣師上士二人中士四人府二人史四人胥

八人徒八十人

主天下土地人民已下之數。徵野賦貢也。名曰縣師者。自

六鄉以至邦國。縣居中焉。鄭司農云。四百里曰縣。

遺人。中士二人下士四人府二人史四人胥

四人徒四十人

鄭司農云遺讀如詩曰棄子如遺之遺玄謂以物有所饋

遺。遺維季反。注饋遺同。又音維

均人。中士二人。下士四人。府二人。史四人。胥

四人。徒四十人

均猶平也。主平土地之力政者

師氏。中大夫一人。上士二人。府二人。史二人

胥十有二人。徒百有二十人

師教人以道者之稱也。保氏司

諫司救官之長。鄭司農云詩云。橘維師氏。橘俱禹反

保氏。下大夫一人。中士二人。府二人。史二人

胥六人。徒六十人。

保安也。以道安人者也。書敘曰。周公為師。召公為保。

相成王為左右。聖賢兼此官也。

司諫中士二人。史二人。徒二十人。

諫猶正也。以道正人。

行。去聲。

司救中士二人。史二人。徒二十人。

救猶禁也。以禮防禁。

人之過者也。

調人。下士二人。史二人。徒十人。

調猶和合也。

媒氏。下士二人。史二人。徒十人。

媒之言謀也。謀合異類。使。

和成者。今齊人名麴。麴曰媒。
媒音梅。麴起六反。麴魚列反。

司市。下大夫二人。上士四人。中士八人。下士

十有六人。府四人。史八人。胥十有二人。徒百

有二十人。

司市。市官之長。

質人。中士二人。下士四人。府二人。史四人。胥

二人。徒二十人。

質。平也。主平定物賈者。賈音嫁。下同。

廛人。中士二人。下士四人。府二人。史四人。胥

二人。徒二十人。

故書廛爲壇。杜子春讀壇爲廛。說云。市中空地。玄謂廛。民

居區域之稱

○(廛)直連反

胥師二十肆則一人皆二史賈

師二十肆則一人皆二史司遽十肆則一人

司稽五肆則一人胥二肆則一人肆長每肆

則一人

也。胥及肆長市中給繇役者胥師領

羣胥賈師定物賈司暴禁暴亂司稽察留連不時去者。

(賈)音古下

賈八人同

物(賈)音嫁

泉府上士四人中士八人下士十有六人府

四人史八人賈八人徒八十人

司門下大夫二人上士四人中士八人下士

十有六人。府二人。史四人。胥四人。徒四十人。

每門下士二人。府一人。史二人。徒四人。司門若今

城門校尉主王城十
二門。校胡孝反。

司關上士二人。中士四人。府二人。史四人。胥

八人。徒八十人。每關下士二人。府一人。史二

人。徒四人。關界上之門

掌節上士二人。中士四人。府二人。史四人。胥

二人。徒二十人。節猶信也。行者所執之信。

地官上

遂人。中大夫二人。遂師。下大夫四人。上士八人。中士十有六人。旅。下士三十有二人。府四人。史十有二人。胥十有二人。徒百有二十人。

遂人主六遂。若司徒之於六鄉也。六遂之地。自遠郊以達于畿中。有公邑。家邑。小都。大都。焉。鄭司農云。遂謂王國百里外。遂大夫。每遂中大夫一人。縣

正。每縣下大夫一人。鄙師。每鄙上士一人。鄼

長。每鄼中士一人。管反。鄼作里宰。每里下士一

人。鄰長。五家則一人。縣。鄙。鄼。里。鄰。遂之屬別也。

旅師中士四人下士八人府二人史四人胥

八人徒八十人

主斂縣師所徵野之賦穀者也。旅猶處也。六遂之官。里宰

之師也。正用里宰者。亦斂民之稅。宜督其親民

稍人下士四人史二人徒十有二人

主爲縣師令都

鄙立甸之政也。距王城三百里曰稍。家邑小都大都自稍以出焉。爲于僞反。甸繩正反。

字又如

委人中士二人下士四人府二人史四人徒

四十人

主斂甸稍芻薪之賦以共委積者也。委鳥僞反。

土均。上士二人。中士四人。下士八人。府二人。

史四人。胥四人。徒四十人。

均猶平也。主平土地之政令者也。

草人。下士四人。史二人。徒十有二人。

草除

稻人。上士二人。中士四人。下士八人。府二人。

史四人。胥十人。徒百人。

土訓。中士二人。下士四人。史二人。徒八人。

鄭司

農云。訓讀爲馴。謂以遠方土地所生異物。告道王也。爾雅云。訓。道也。玄謂能訓說土地善

惡之勢。訓如字。

司農音馴。似遵反。

誦訓中士二人。下士四人。史二人。徒八人。

能訓

說四方所誦習及人所作為久時事

山虞每大山中士四人。下士八人。府二人。史四人。胥八人。徒八十人。中山下士六人。史二人。胥六人。徒六十人。小山下士二人。史一人。徒二十人。

處度也。度知山之大小及所生者。

度徒洛反

林衡每大林麓下士十有二人。史四人。胥十有二人。徒百有二十人。中林麓如中山之虞

小林麓如小山之虞

衡平也。平林麓之大小。及所生者。竹木生平地。

曰林。山足曰麓。○(麓)音鹿。

川衡每大川下士十有二人。史四人。胥十有二人。徒百有二十人。中川下士六人。史二人。胥六人。徒六十人。小川下士二人。史一人。徒二十人。

川流水也。禹貢曰。九川滌源。

澤虞每大澤大藪中士四人。下士八人。府二人。史四人。胥八人。徒八十人。中澤中藪如中

川之衡。小澤。小藪。如小川之衡。

澤。水所鍾也。水希曰藪。禹

貢曰。九澤既陂。爾雅有八藪。素口反。

迹人。中士四人。下士八人。史二人。徒四十人。

迹之言跡。知禽獸處。

圻人。中士二人。下士四人。府二人。史二人。胥

四人。徒四十人。

圻之言礦也。金玉未成器曰礦。北號猛反。礦號猛反。

角人。下士二人。府一人。徒八人。

羽人。下士二人。府一人。徒八人。